

Bapa dera anak kandung ditahan

KOSMO 6/11 MS 17

KUALA TERENGGANU - Polis menahan seorang bapa yang dipercayai mendera anak kandungnya sehingga parah dalam kejadian yang berlaku di rumah mereka di Kampung Kubang Tangga, di sini Ahad lalu.

Ketua Jabatan Siasatan Jenayah Terengganu, Asisten Komisioner K. Manoharan berkata, suspek yang berusia 54 tahun dan bekerja sebagai pemandu di sebuah jabatan kerajaan negeri ditahan di rumahnya kira-kira pukul 3.45 pagi semalam.

Katanya, polis turut merampas seutas tali pinggang yang dipercayai digunakan oleh suspek untuk memukul mangsa.

"Menurut laporan, mangsa kanak-kanak lelaki berusia sembilan tahun dipercayai telah didera oleh bapa kandungnya itu pada Ahad lalu kira-kira pukul 5.45 petang," katanya di sini semalam.

Beliau berkata, mangsa dilaporkan sedang bermain dengan abangnya yang berusia 13 tahun sebelum dipanggil masuk ke rumah dalam keadaan marah oleh suspek dan selang beberapa minit kemudian abangnya terdengar jeritan mangsa memanggil namanya meminta tolong.

Katanya, sebaik mendengar jeritan tersebut, abangnya terus meluru ke dalam rumah dan berlaku sedikit pertengkaran mulut di antara dia dan bapanya.

Ketika kejadian, ibu tiri mangsa yang sedang mengandung sembilan bulan turut berada di dalam rumah tersebut.

Menurut Manoharan, untuk menyelamatkan keadaan, abang mangsa telah membawa adiknya itu ke Bukit Besar di sini sebelum membawanya ke Hospital Sultanah Nur Zahirah setelah mendapati adiknya itu mengalami kecederaan teruk.

"Doktor mengesahkan terdapat beberapa kesan bengkok di telinga kiri, bahu kanan dan paha kanan mangsa dan kini dalam keadaan stabil," katanya.

Ekoran itu, satu laporan polis telah dibuat di Balai Polis Cabang Tiga di sini pada pukul 10.40 pagi semalam, kata Manoharan.

Beliau berkata, mangsa yang merupakan anak bongsu daripada empat beradik dan abangnya mendakwa sering didera oleh bapa mereka sejak ibu kandung mereka meninggal dunia empat tahun lalu.

Katanya, suspek kini ditahan reman bagi membantu siasatan mengikut Seksyen 31(1)(a) Akta Ka-